



Danis, ils 18 d'avrel 2020

Preziai geniturs
Caras scolaras, cars scolars

Dapi ils 16.03 sesanflein nus en ina situaziun magari speciala, e dapi ils 30.03 ha liug instrucziun sin distanza. Ier ha il Cussegl federal decidiu davart las treis etappas per sluccar las mesiras da COVID-19, ed en quei connex era informau davart l'avertura previda dallas scolas publicas ils 11.05.2020. Ils 29.04 vul il Cussegl federal decider definitivamein davart l'avertura dallas scolas. Ulteriuras prescripziuns da basa vegnan spitgadas dalla Conferenza svizra dils directurs cantunals dall'educaziun publica (CDEP), per aschia garantir in agir coordinau en tut ils cantuns. Cuort suenter ils 29.04 vegn il Departament d'educaziun, cultura e protecziun digl ambient dil cantun Grischun (DECA) ad informar davart ulteriuras prescripziuns generalas, en special pertuccont las mesiras da protecziun che pertuccan specificamein il retuorn all'instrucziun da preschientscha. Plinavon vegnan informaziuns davart il menaschi da scola per tematicas sco attestats, promoziun, giudicaments a suandar.

L'jamna suenter las vacanzas da primavera vegn pia aunc cuntinuau cull'instrucziun sin distanza tenor igl urari special.

L'jamna da project dalla superiura stada previda dils 04 entochen ils 08.05 croda. Certs singuls elements vegnan realisai punctualmein ellas jamnas digl onn da scola restontas. Las pdi da classa vegnan ad informar dafertontier en caussa el decuors dallas proximas jamnas.

L'instrucziun sin distanza ha era funcziunau bein la secunda e la tiarza jamna. Inaga dapli less jeu haver engraziu a Vus scolaras, scolars e geniturs cordialmein per tut engaschi e per la buna collaboraziun!

Annunzias per survigilanza d'affons ha ei dau vinavon neginas. Sco stau communicau porscha la scola la survigilanza era duront las vacanzas, priu ch'ei vegni giavischau.

La Cumissiun specialisada per la protecziun digl affon e gl'agid alla giuventetgna dil cantun Grischun ei s'occupada cullas consequenzas sils affons e giuvenils sco era geniturs entras las mesiras per limitar il virus corona. La situaziun actuala ei ina gronda sfida per las famiglias ed augmenta la resca da violenza en famiglia essend la convivenza engrevegiada. Ils dus documents aschuntai a quest mail sco era il suandont ligiom san esser in agid en cass da basegns.

<https://www.gr.ch/RM/instituziuns/administraziun/dvs/soa/famiglia/protecziun/Seiten/default.aspx>

Il fatg che la scola vegn prevedentamein reprida ils 11 da matg possibilitescha a nus da – malgrad tut – arrundar andantamein igl onn da scola.

Per damondas stun jeu fetg bugen a disposiziun.

Ed ussa giavischel jeu da cor bialas vacanzas da primavera, e buna sanadad!

Salid cordial .

Francestg Friberg



Fachkommission Kinderschutz und Jugendhilfe

Cumissiuin spezialisada per la protecziun d'uffants e per l'agid a la giuventetgna

Commissione di esperti per la protezione dell'infanzia e l'aiuto alla gioventù



Infurmaziun da la Cumissiuin spezialisada per la protecziun d'uffants

La situaziun actuala è ina gronda sfida per famiglias ed augmenta la ristga ch'il bainstar da l'uffant vegnia periclità sco er il privel da violenza a chasa. La scola po sustegnair famiglias, cun guardar precis e cun agir sche necessari. Durant las vacanzas vegn la convivenza engrevgiada supplementarmain. Perquai èsi impurtant d'infurmar tut las famiglias, nua ch'ellas survegnan agid en cas da basegn.

Qua chattan las personas d'instrucziun e las direcziuns da scola sustegn:

- **Polizia**
Tel. 117 (24/7), www.kapo.gr.ch
- **Agid a victimas dal Grischun**
Tel. 081 257 31 50, www.soa.gr.ch
- **APUC**
www.kesb.gr.ch
- En cas da malsegirezzas u da dumondas stat a disposiziun il **Servetsch psicologic da scola (cussegliaziun da scola e d'educaziun)** (centrala tel. 081 257 27 42 u il post regional correspondent).



Agid e sustegn en situaziuns difficilas

Adina esser a chasa, quai po esser fitg difficil per tuttas e tuts. Ti pos discurrer sur da quai cun tia magistra u cun tes magister. Sch'i dat gronds problems e sche ti na sas betg pli tge far, chattas ti qua agid da tut temp:

Cussegliaziun per uffants e per giuvenils

Telefon 147 (24/7), www.147.ch